

TE KURA KAUPAPA O WAIRARAPA

TE PŪTĀTARA

Māheni - Wāhanga 2 - Wiki 5, 2025



Tēnā koutou e te whānau,

Nau mai ki to tātou mōheni mo te wāhanga tuatoru mō te wiki 9! Tiro atu ki tō mātou whārangi pukamata mō ētahi atu pānui.

pg.3

HE KŌRERO NĀ TE TUMUAKI

pg.4

HE PĀNUI

pg.5

TE AHO MATUA

pg.6

NGĀ UARA O TŌ TĀTOU KURA

pg.7–12

NGĀ AKOMANGA:

KURA NOHINOHI

KURA TEINA

KURA WAENGA

WHAREKURA

pg.13

HĀKINAKINA

Pg.14–15

KAPA HAKA

pg.16

TE REO MĀORI

pg.17

TUTAKI KAIKO/KAIĀWHINA



He kōrero nā te tumuaki

Hutia te rito o te harakeke, kei hea rā te kōmako e kō?
Kī mai ki ahau, he aha te mea nui o te Ao?
Māku e kī atu, he tangata, he tangata, he tangata.

He rawe tō tātou pōwhiri i a tātou pīpī hou i te wiki tutahi,
kua piki ake te tokomaha o ngā tamariki ki roto o pīpī
paopao, otirā te tokomaha o a tātou tauira.

Ko te nui rawa hoki o ngā kaupapa ki mua i te aroaro i tēnei
wā. Ka āhua ono wiki anake ināianei ka whakanuia tātou i te
huringa tau 21 o tō tātou nei Wharekura, ā, ka whakatūwhera
anō hoki i tō tātou Whare Wānanga. Kei te hīkaka rawa tēnei
ki ngā kaupapa e rua nei. Taihoa ake nei kia puta ngā
taipitopito kōrero.



Koia anō ko ngā kaupapa Kapa Haka, ka tīmata mai ngā noho
whakaharatau a Whātonga i tēnei mutunga wiki. Waihoki ka
hui tahi te whānau o Ngā Puāwai hoki kia kōrero tahi, kia
whakariterite anō i a tātou kia haere ki Te Mana Kuratahi hei
a te mutunga tau.

Nāku iti nei, whaea Pip

He pānui



TE WHAREKURA O WAIRARAPA

Huringa tau 21

19.06.2025

TE KAWANGA WHARE
Te Whare Wānanga o Tāne-nui-ā-Rangi

MATARIKI 20 o Pipiri 2025



MOKOPAPA



**- TKKM o WAIRARAPA -
28-29 JUNE 2025**

WHERE: TKKM O WAIRARAPA (MASTERTON)

KAITĀ: ANIKAARO HARAWIRA

**NGĀ
MANU
KŌRERO**
WAIRARAPA KI TE AWAKAIRANGI
WHAKATAETAE Ā-ROHE 2025



3 PIPIRI 2025

SACRED HEART COLLEGE
KI TE AWAKAIRANGI



Ikaroa Region

Te Rōpu Wahine Māori Toko i te Ora
Māori Women's Welfare League Inc

Ngā Pūkōrero o Apōpō 2025

**IKAROA MAORI WOMEN'S WELFARE LEAGUE
NGĀ PŪKŌRERO O APŌPŌ 2025 SATURDAY 19TH
JULY 2025 AT MANUKURA (SPORTS ACADEMY)
MASSEY UNIVERSITY, PALMERSTON NORTH.**

TE AHO MATUA

KO TE AHO MATUA TE TAHŪHŪ O TŌKU
KURA, KO NGĀ TIKANGA NGĀ HEKE, KO TE
WHĀNAU NGĀ POUPOU.

Ngā Tino Uaratanga

6.5 Kia noho tuwhera tona ngakau ki te
hari, ki te koa, ki te aroha, ara, kia ngakau
nui, kia ngakau mahaki.



"Ruia te taitea, Kohia te rangiura"



NGĀ UARA

"Pono"



Ko ēnei ētahi o ngā whakaaro ngā kōrero hoki o ngā ākonga mō tēnei mea te 'Pono'.

Kia Pono āu mahi, kia Pono āu kōrero anō hoki, ka whakatīnana koe i tēnei nā aku mahi Pono.

Kaua e rūkahu, ki te kimi koe he tāonga me whakahoki ki te tangata nānā te tāonga, ka waiho atu ki te Tari rānei.

Mēnā ka Pono ō kōrero ki te tangata ka pai ake o piropiro me te wairua anō hoki.

Ka whakaponu ahau ki ahau, ka aro ahau ki āku mahi kura.



Pīpī Paopao

Nau mai ki te
wahanga tuarua ō
Pīpī paopao!

Tokomaha ō wā
tatau tamaiti hou i
timata i tēnei
wahanga! Ka
manaaki, ka tiakina
e matou ngā kaiako
i a rātou hei tipu kia
puawai.



Poipoia te kakano kia puāwai

KURA NOHINOHI

RARAU MAI KI TE WAHANGA 2
O KURA NOHINOHI.

TE MANAKO I WHAKATĀ PAI AI NGĀ
TAMARIKI I NGĀ HARAREI. Ā, ME TE
HŪRŌ A NGĀ MĀTUA KUA HOKI ORA PAI
ATU E NGĀ TAMARIKI KI TE KURA.
I ĒNEI WIKI KUA HORI ĀKE NEI, HE
KAHA NŌ NGĀ TAMARIKI KI TE

WHAKAWHĀNUI I A RĀTOU WĀHI ĀKO ME TE MŌHIŌ, KEI TE TAIAŌ
HOKI HE ĀHEINGA KI TE WHĀNGAI I TE PUNA O TE MŌHIŌ.



Kura Teina



Ngā hoki mai ki te wāhanga 2

Kua tau pai ngā tamariki a
Kura Teina ki ngā mahi.

He nui ngā kaupapa i tēnei
wāhanga.

1 – ko te rā

Raukura/wharekura

2 – ko te huringa tau 21

3 – Ko te Tuwheratanga o tō
tātou whare

4 – Ko Matariki, mete
Hautapu.



Kura Waenga

**TE IRA TANGATA 1.4 – KO TE NGAKAU TE MATA ME TE KUAHA O
TE WAIRUA. OTIRĀ, KO TE WHIU O TE KUPU, KO TE WERO, KO TE
RIRI, KO TE AROHA, KO TE HŪMARIE, ME NGĀ ĀHUATANGA KATOA
HE MEA KUHU KI TE NGAKAU TITI TONU KI TE WAIRUA. KOIA NEI TE
TĪMATANGA O TE KŌRERO “KIA NGAKAU MĀHAKI” MĀ TĒNEI HOKI
KA TIKA TE KŌRERO “HE ORANGA PIKINGA WAIRUA”**

**I TE WIKI TUATAHI, I TE ARO ATU A KURA WAENGA I TE REO HĀPAI
O TE TANGATA KIA TAUTOKO TĒTAHI KI TĒTAHI, KIA KAUA E
WHAKARARU I NGĀ KĀRE-Ā-ROTO A TĒTAHI ATU. KI TE WHIU
KUPU, KA AHA TE KĀRE-Ā-ROTO O TE TANGATA, KI TE HĀPAI AKE
KOE TE KĀRE-Ā-ROTO O TE TANGATA, KA AHA ANŌ TE TANGATA.**



WHAREKURA

WAIRARAPA MOANA



Nau mai e hine, nau mai e tama, nau mai taku kura mokopuna ki ēnei taonga kōrero, ki ēnei taonga whakapapa, ki ēnei taonga mātauranga i tuhia e ā hākuia, e ā hākoroua, mōhou.

Ē whakamānauwanui ana ki ēnei āhuatanga pēnei i ēnei kia kite atu, kia rongorongo atu, kia whāwhā āno ngā ākonga i ngā wheako mīharo. Ē kore e mutu ngā mihi ki a Matua Pono me āna pukenga maha!

WHAREKURA PĀNUI - TUAKANA TEINA



I tēnei wahanga, i a te Paraire ka pānui ngā Tau 9 Reo
Māori ki ngā pīpī paopao.
Kei runga noa atu tēnei mahi!

Te Aho Matua 1.6

..... mā te mahi ngātahi e tupu ora ai ngā tamariki

WHAREKURA

Rangi whakawhenuku o ngā wharekura o
Te Upoko o te Ika



I whakakao mātou ngā wharekura o te
upoko o te ika ki Pahiātua i te wiki tuatahi
o tēnei wāhanga. He whakawhānaunga te
mahi i roto i ngā mahi hākinakina. I takaro
mātou i te Poitūkohu, i te Kiōrahi me te
Whai kīngi. Ka mutu, ko ngā mihi ki Te
Kura Kaupapa Māori o Tāmaki-nui-a-Rua
mō te manaaki i a mātou.



HĀKINAKINA - KURA TUATAHI POITARAWHITI - TAU 5-8



NGĀ PŪAWAI O TE KURA KAUPAPA MĀORI O WAIRARAPA

KIA ORA E TE WHANAU.

**KUA TAE ANŌ TE WĀ KIA WHAKARITE TĀTOU I TŌ
TĀTOU KAPA 'NGĀ PŪAWAI O TE KURA' KI TE HAERE KI
NGĀ WHAKATAETAE Ā-MOTU KA TŪ KI TAURANGA
MOANA HEI TE MARAMA O WHIRINGA-Ā-RANGI
(1ST - 7TH NOVEMBER)**

**I TĒNEI WĀ KEI TE KAHA AKO TE KAPA I TE MŌTEATEA
ME TE WHAKAWĀTEA. HE NUI NGĀ MAHI KEI MUA I TE
AROARO A NGĀ TAMARIKI, KAIKO HOKI. KIA KAHA RĀ
KI TE WHAKAMĀNAWA I A KOUTOU TAMARIKI KI TE
ARO KI NGĀ MAHI A TE RĒHIA KIA TŪ RANGATIRA AI TŌ
TĀTOU RŌPŪ KAPA HAKA.**

Te Aho Matua 3.6 Mā te rongo a te tamaiti ki te awhi, ki te arataki, ki te tautoko, ki ngā tohutohu a te Whānau me tōna aroha hoki, e mau ai tōna piripono ki te Whānau. He mea hopu te nuinga o ēnei tūāhua. Nō reira, e tika ana kia piri tonu te Whānau ki ngā tamariki i roto o te kura, i roto i a rātou mahi hoki.



**Te Mana Kuratahi mō te tau 2025.
Ka tū ki Tauranga Moana
Rātapu 2 Noema - Te rangi pōwhiri @11am
Mercury Baypark Tauranga
81 Truman Lane, Mount Maunganui
Mane 3 Noema tū ai Ngā Pūawai (7th rōpū)**

TE AHO O WHĀTONGA



Huro! Kua oho ake te kapa haka o ngā kura Aho Matua o Wairarapa, o Tamaki nui ā Rua, o Ngā Mokopuna, o Mana Tamariki hoki. Ko Matua Mei Manaia, ko Matua Puku, ko Matua Wharemake, ko Whaea Mahinarangi ngā pouako.

I Mana Tamariki te noho tuatahi, he poi, he haka, he wai, he pakari tinana te aronga nui o te wikene rā. Hei te Akuhata te whakataetae ā rohe.




PANGA KUPU

Matariki

Nō te whetū matua o Te Iwa o Matariki te ingoa Matariki. He maha ngā iwi puta noa i Aotearoa kua whaitake ki a Matariki – e whitu ngā whetū ki tēnā iwi, e iwa ngā whetū kei tēnā iwi. He hononga tō ngā āhuatanga tuku iho a-iwi ki te mātahi o te tau hei mihi ki ngā mea nui o ō rātou oranga.

Whakakīa te pangakupu ki ngā ingoa o ngā whetū e iwa.

**Matariki
Ururangi
Waipunarangi
Hiwaiterangi
Pōhutukawa
Tipuānuku
Tipuārangi
Waitī
Waitā**



Tūtaki Kaiako

Grace Paku
PĪPĪ PAOPAO

Tū mai rā ngā pae maunga
o Te Maipi

I rere te wai o Kaihōata
Papaki kau ana ngā tai
o Uruti moana

I hoea mai te waka o Takitimu
ki Aotearoa nei.

Ko Ngati Kahungunu ki Wairarapa te iwi

Ko Tūmapūhia te marae

Ko Ngāi Tūmapūhia-ā-Rangi te hapu
Tihei Tūmapūhia!



I whānau mai au ki kīnoe i Whakaoriori, ā, ko au te pōtiki o ngā tamahine a Barney rāua ko Wendy Paku. I nuku āku Mātua i tō mātou whānau ki Ōtautahi i te `wa e kotahi tau au, i reira au i tipu, ā, kua noho au ki reira mō ngā tau toru tekau ma rima. Kua hoki mai au ki te Wairarapa me āku tamahine tokotoru. Ko taku mātāmua a Akaira kei te wharekura, Ko Emmalee kei te kura tiena, ā, ko Aronui kei nohinohi. He kaiako au i Pīpīpaopao.

Kua tekau mā ono ngā tau e whakaako ana au i te mātauranga kī ngā whare kohungahunga, kohanga reo me ngā kura tuarua auraki. He mea nui ki ahau te ako ngātahi me ā tātou tamariki, te ārahi i a ratou kia tūhura i ngā wheako hou, ā, kia kitea hoki ā rātou pūmanawa me ā rātou taonga.

Mauri Ora!